

EXPY
E.A.S.

af
Alliance Française
Asunción


✦ **LABORATORIO DE
EXPERIENCIAS
INMERSIVAS
PARAGUAI**

6ta. Edición

EXPY

20
26 **LAB**

**CONVOCATORIA
IBEROAMERICANA
ABIERTA**



**BASES &
CONDICIONES**
2026

1— Moñepyrũ

EXPYLAB heñoiva'ekue 2021 arýpe ikatuhañuáicha omoirũ temiporãhára, oñemopyendámava térã oñemoheñoí ramóvape, ojeguerojera hañua umi apopyrã inmersivos térã oñembopyahúva audiovisual kuéra reheguápe. Rojerovíaniko umi tembiporu pokatúre ha umi aporeko pyahúre omombe'úvo ñane rembiasa ha avei jajeity hañua ambue juruja oguereko hañua.

Ary ñavõ, EXPYLAB ojejapo Alianza Francesa, Paraguápe, 17 jasypoapy ha 17 jasypoapy guive 29 jasypoapy 2026-peve ombyaty umi moheñoihára, temiporãhára multidisciplinario opaite Iberoamericayguápe peteĩ tenda oñembokatupy pya'evetahápe hikuái.

Ko apopyrã ningo ombojoaju mbo'epy, jehekombo'e peteĩteĩme ha tenda oñoipytyvõmbahápe oñemotenonde hañua umi ta'angamýi ñemoañete, ha upéicha avei jeikuave'ẽ ohapykuererekáva ko'ã ta'angamýi ha ta'angamyirendu ñembopyahu, omoirũvo chupekuéra mba'apokuaahára tetã ha tetã'ambueyguá ikatupyryva upe sector-peguáva.

Laboratorio niko ohenoika umi yvypóra oñemoarandúva heta mba'épe omoheñoiséva inmersiva atyháicha. Ñemboheraguapy ohenói umi moheñoihára, tembiporupyahupuhára, ha mba'apokuaahára ko'ã mba'épe ġuarã: myakã, moñe'ẽrã, tembiapo jegueroguata, ta'anga, purahéi, mba'epu, moha'angahai, mbohaperoko, temiporã, jehechauka, ñoha'anga, hechauka, tembiporu ha ambue mba'e ojokupytyva ko'ãvare.

Eñemboheraguapy hañua emyanyhẽ ko formulario oĩva: www.expy.com.py

Oñemboheraguapykuáa opaite Paraguáguá, taha'e Paraguái térã Iberoamérica-ygua, taha'e tavusuháre ha comunidad indígena-háre. Oñehenói avei opaite tapicha heñoiva'ekue oimeraẽ tetã Iberoamerica-pegua: Argentina, Brasil, Bolivia, Colombia, Costa Rica, Cuba, Chile, Ecuador, El Salvador, España, Guatemala, Honduras, México, Nicaragua, Panamá, Paraguay, Perú, Portugal, Puerto Rico, República Dominicana, Uruguay ha Venezuela.

EXPYLAB 2026 omoheñoí EXPY E.A.S. oipytyvõvo chupekuéra Alianza Francesa de Asunción. Oipytyvõ ichupekuéra Programa Ibermedia, oykeko avei Instituto Nacional del Audiovisual Paraguayo INAP, Embajada de Francia Paraguáipe, Ministerio de Asuntos Exteriores de Francia delegación regional rupive, la Fundación Itaú, Instituto Cultural Paraguayo Alemán, Centro Cultural Paraguayo Americano, Realidad 360° Argentina, Markato, Narrar El Futuro, SyncPhonia. Omoirĩ avei Secretaría de Políticas Lingüísticas SPL, INAP, Fundación Parque Tecnológico Itaipú, SENATUR ha UNVES.

2– Mávapa ikatu oñemboheraguapy

EXPYLAB 2026 ohenói temiporãhára ikatupyryva heta mba'épe, tembiporupyahuhára omoheñoikuaáva opaite Iberoamérica-pegua retanguera: Argentina, Brasil, Bolivia, Colombia, Costa Rica, Cuba, Chile, Ecuador, El Salvador, España, Guatemala, Honduras, México, Nicaragua, Panamá, Paraguay, Perú, Portugal, Puerto Rico, República Dominicana, Uruguay ha Venezuela.

◆ **Temiporãhára ikatupyryetáva:** yvypóra oikuaaséva ñomongeta ñe'ẽ pyahúpe ha omopyendaséva aty oñemoheñoí haña umi atyháicha.

◆ **Tembiporupyahuhára omoheñoikuaáva:** oipytyvöséva guive ñemboheko'ypy ha ñemoheñoí rupive umi aporeko oiporukuaátava entorno inmersivo-pe omopyendaporãvo aty ojejapo haña atyháicha

3– EXPYLAB jeguerojera

EXPYLAB omokyre'ỹ oñeipytyvõ haña umi mbo'epy ha avei oñemoheñoí haña atyháicha umi ta'angamyí ñemoañeterekóva.

Laboratorio aja, umi ojeiporavopyréva omba'apóta peteĩ aty oĩhápe mbohapy térã irundy yvypóra oguerojera haña umi apopyrã oñemombe'upyréva ogueroikéva umi aporeko oñembopyahúva ha'éva tembiporupyahu inmersiva (ñandutiveve rupive ñemoañete, ijyvatetereiva, térãkatu oñombohovakéva), ta'anga añeteguáva oñembojoajúramo ta'angagua'u rehe ha ambue mba'eteéva umi ta'anga ojoparávape guarã.

Ko apopyrã ningo oñemoheñoíta atyháicha, oñemoheñoívo aty upe tendapevoi.

Umi aty oguerékóta mbo'epy, jehekombóe ha aporekokuaa ñemyakã ha avei temiporã rehegua ojeguerojerave haña umi ñekuave'ẽ rupive ohupyty peve peteĩ prototipo.

Pe EXPYLAB oñemohuã oñeñuahésévo pitch-pe, umi atypegua ohechauhahápe hembiaapo tepyme'ehára renondépe, oikuaáva temiporã, tembiporupyahu ha aranduty rehegua. Jopóikatu oñeme'ẽta ojejesarekóvo umi apopyrã ñembojoaju rehe, upéicha avei ñemopyendaporã ha hekopete ojejapóva umi mba'e oñemoheñoí pyahúva. Pytagua oĩramo paraguáipe térã ojavóva hembiaapo ñane retãme, ojejesarekóta mba'eichaguaitépa pe ojogueraha porátava pe temimoĩmby ohupytyvéva rehe. Jopói ñeme'ẽniko ndojesarekói mba'e apopyrãpa ijyvateve, iporãve, térã michĩve, ágakatu ombohováí peteĩteĩ umi ohupytyvéva ko'ã mba'e.

EXPYLAB omomba'eguasu umi tembiapo oñemoheñoíva atyháicha, omokyre'ỹvo avei kuaapy ñomoambue, avei ñopytyvõ opaite ñomoarandúpe ha avei omoheñoívo peteĩ comunidad omoheñoikuaáva temiporãhára ha tembiporupyahuporuhára oñondive.

Oñeha'ārõ opaite yvypóra oikéva ko atýpe omba'apo tekopotĩme ha avei atyháicha, oikũmbývo ñemoheñoí ha'éha peteĩ tembiapo oipytyvõva opavavépe. Umi jopói oñeme'ẽ ikatuhaguáicha oñemokyre'ỹ ojejapovaichagua tembiapo atygua, ndaha'etí katuete oñemoporátava peteĩchagua tembiapõnte.

EXPYLAB niko ohupytyse aporape omongakuaátava laboratorio-pe, omokyre'ỹvo avei ojokupyty umi atyháicha. Ñemohenda omoirũ ha oipytyvõta ojeguerojera haña ambue apopyrã.

Ko laboratorio-pe oĩ mba'apokuaahára ikatupyryva tembiasa inmensiva-pe, ha ijatypegua oiporavóva chupekuéra oĩta yvypóra ikatupyryva tetã'ambueháre ko'ã mba'épe.

4 – Mboýpepa ohupytýta

EXPYLAB 2026 oiporavóta mokõipapoapy (28) beca oñeme'ëtava ko'ápe oñemohendaháicha:

4.1. Perfil rupive oñemohendáva:

a) Parundy (14) beca temiporãkuaaha opaichaguápe ojokupytýva ñemoheñoí inmersiva rehe, ojoporáva térã oñemoheñoí pyahúva ta'angamyí jehecha'arandu, ojeguerokévo hyepýpe avei moheñoihára, moñe'ëhára, myakãhára, mba'apohára, moha'angahára, puraheihára, purahei'apohára, tyapumomba'apohára, ta'angaguenohëhára, temiporã jehecharã, temiporãhára ñoha'angahapegua, mba'erechauhahára, ñoha'angahára, jerokyhára, mokyre'ëhára, 3D moha'angahára.

4.2. Moõguápa rupive Oñemohendáva

a) mokõipa 20) beca oñeme'ëtava tapicha paraguálope térã tetã ambuegua oikóva Paraguái pe sa'ivéramo 2 ary.

b) poapy (8) beca oñeme'ëtava Ibermedia Apopyrã ryepýpe, ojehejávava tapichakuéra oúva tetã iberoamericano-gui

4.3. Jegueroike ha tekojoparaeta rupive oñemohendáva

Ojehecha'ýre umi ñemohendapy jeporavorã, jeporavoha aty oñangarekóta género equidad rehe ha oñemoneĩ sa'ivéramo ko'ã cupo:

a) peteĩ (1) beca tapicha indígena oúva tetã Paraguáigui;

b) beca tapicha indígena oúva oimeraẽ Iberoamérica retãgui.

4.4. Organización rehegua mbojojahakuéra

Ko aty pópe opyta ko'ã derecho:

a) Odeclarávo desierto oñhaguéicha térã sapy'amĩ ñehenói oíva.

b) Omohendajeývo umi cupo ohechakuévo umi postulante perfil ha ikatupyrykue.

c) Ombohetavévo beca retakue

d) Ome'ëvo beca adicional téra oporoipepirũ ijeheguiete temimoĩmby ñoñe'ëme'ë ryepýpe

5 – Tenda ha arange oikotahápe EXPYLAB

EXPYLAB 2026 jejapóniko ojejapóta Alianza Francesa Paraguáype aña 17 guive 27 peve jasyporundy pe. Umi amandaje ha tembiaporã mba'apokuaahára tetã ambuegua ndive ñandutiveve rupi ha ambue tendápe Paraguáype.

6 – Jehekombó'epytvõrã oguerúva mba'eporã

EXPYLAB 2026-pe jeike ojehepyme'ëta USD 2.800(dolares estadounidenses dosmil ochocientos). Ome'ë rupi jehekombó'epytvõrã iñembo'aty ha avei ipytvõharakuéra, opaite yvypóra ojeiporavova'ekuépe oñeipytyvõ haña chupekuéra ndohepyme'ëmo'ãi mba'evete.

Umi tapicha osëva becado oúva tavavusu Paraguay ha táva Central-gui oñeipytyvõkáta oku'e haña, ojehepyme'ëta ijeho mombyry ha ojerejey haña táva Paraguay peve, upéicha avei moõpa opytáta hi'are aja ko laboratorio.

7 – Mba'éichapa oikেকuaáta

7.1. Mba'e mba'épa oñeikotevẽ.

EXPYLDAD 2026 ñehenói ojeipe'áta aña 27 jasyrundy guive 31 jasypo 2026 peve, umi oꝕuahẽva apopyrã moheñoihárape, temiporãkuaaha opaichagua ha tembiporupyahuporuhára Paraguaipegua, upéicha avei yvypóra oĩva ypykuéra atýpe, tavaha ha tava'okaháre. Ikatúta avei oñemboheraguapy opaite paraguaipegua ha avei pytagua oĩva Paraguáipe hi'aréma guive mokõi ary ñane retãme.

Ndoikemo'ái pype umi tapicha omba'apovavoi EXPYLAB-pe térãkatu oikuaáva umi EXPYLAB ombosakoívape.

Oñemomba'eguasu ha ojehechakuaáta guarani ñeẽkuaa rehe, upéicha avei umi yvypóra oĩva ypykuéra atýpe, tava'okaháre, LGBTIO+ ha ambue aty'i sa'i oĩva.

Ikatúta oñemboheraguapy ko ñehenóipe umi ojepravova'ekue ambue arýpe EXPYLAB-pe oguerekóma guive ko'ã mba'e:

◆ Peteĩ moheñoihára oñemboheraguapýma guive tembiporupyahuporuháraramo térã temiporãháraramo.

◆ Peteĩ temiporãhára oñemboheraguapýma guive tembiporupyahu kuaaháraramo.

◆ Tembiporupyahuporuhára oñemboheraguapýma guive temiporãháraramo.

Aty jeporavorã ryepýpe oĩta umi mba'apokuaahára tetã'ambuegua ikatupyryva ko'ã mba'épe, ha ijeporavo noñemoambuemo'ái oimeháichante. EXPYLAB ndohepyme'ẽmo'ái umi ñemboheraguapy oñemoneĩyva.

7.2. Ñemboheraguapy umi temiporãhára ikatupyryva heta mba'épe

Ikatúta oñemboheraguapy umi yvypóra paraguaipegua térã pytaguáva oĩma guive Paraguáipe ha hi'arémava mokõi ary. Ojegueroikéta avei umi tapicha oúva ambue tetã Programa Ibermedia pegua: Argentina, Brasil, Bolivia, Colombia, Costa Rica, Cuba, Chile, Ecuador, El Salvador, España, Guatemala, Honduras, México, Nicaragua, Panamá, Paraguay, Perú, Portugal, Puerto Rico, República Dominicana, Uruguay ha Venezuela.

Oikekuaa avei mba'apokuaahára heta temiporã ryepypeguáva moheñoihára, moñe'ẽhára, moakãhára, mba'apohára, moha'ãngahára, puraheihára, purahei'apohára, tyapumomba'apohára, ta'ãngaguenohẽhára, temiporã jehecharã, temiporãhára ñoha'ãngahapegua, mba'erechaukahára, ñoha'ãngahára, jerokyhára, ha ambue.

Umi temiporãhára ojeipravova'ekue omba'apóta oñondive ambue yvypóra oñepytyvõva ñemoarandupytyvõrãme oguerojera haꝕua umi apopyrã inmersivos, omoheñoivo hikuái aty oñeipytyvõva laboratorio aja.

Oñemboheraguapy haꝕua EXPYLAB 2025-pe, tekotevẽ oñemyanyhẽ ko'ã tenda oĩva formulario-pe www.expy.com.py ha oñembojoapyva'erã hese ha ojehupiva'erã peteĩ pdf-pe ko'ã kuatia:

◆ Tekovehai.

◆ Tembiapo ogueroguatamava'ekue.

◆ Kuatiahai oporomokyre'yva (peteĩ kuatiaroguente) omombe'úva mba'érepa oikese EXPYLAB-pe ha omomba'eguasúva omba'apo haꝕua atyháicha.

Ko kuatia ohechaukava'erã kóicha: TEMIPORãHãRA_TãRA HA TERAJOAPY_ EXPYLAB 2025 DD_MM_AA.

EXPYLAB omomba'eguasúta iporãveháicha pe oñemboheraguapýva oikuaaséramo umi aporeko ojokupytyva apopyrã inmersivo jeguerojera ha oñembopyahúva. Upéicha avei, omomba'eguasúta oikuaáramo software jeporu ha'éháicha PHOTOSHOP, PREMIERE, UNREAL, UNITY, BLENDER, TILT BRUSH, QUILL, REALITY COMPOSER, NOMAD SCULPT térã ambue tembiporu ojokupytyva 3D ñemoheñoirã.

Oñemoneíta umi ñemboheraguapy hendaitépe ojejapóvante. Ndojehechaukáirõ umi kuatia ojejeruréva térã ndojehechaukáiramo umi arange oje'haguépe ndaikatumo'ãi ojeguerooke chupekuéra.

7.3. Ñemboheraguapy umi Tembiporupyahukuaahára ikatupyryva heta mba'épe

Plkatúta oñemboheraguapy umi yvypóra paraguaigua térã pytaguáva oïma guive Paraguái pe ha hi'arémava mokõi ary. Ojeguerokéta avei umi tapicha oúva ambue tetã Programa Ibermedia pegua: Argentina, Brasil, Bolivia, Colombia, Costa Rica, Cuba, Chile, Ecuador, El Salvador, España, Guatemala, Honduras, México, Nicaragua, Panamá, Paraguay, Perú, Portugal, Puerto Rico, República Dominicana, Uruguay ha Venezuela.

Ojeguerokéta yvypóra ikatupyryva tembiporupyahukuaápe, ha'éva tembiporupyahukuaahára, programadores, guerojerakuaáva, omoheñoiva ta'angamýi, ha ambue tembiapópe.

Los/as postulantes seleccionados/as conformarán equipos de trabajo junto con otros/as becados/as del laboratorio, con el objetivo de desarrollar proyectos inmersivos de forma colaborativa.

Eñemboheraguapy ha'gua EXPYLAB 2025-pe, tekotevẽ oñemyanyhẽ ko formulario oïva www.expy.com.py ha oñembojoajuva'erã peteĩ pdf-pe ko'ã kuatia:

◆ Tekovehai.

◆ Tembiapo ogueroguatamava'ekue.

◆ Kuatiahai oporomokyre'ỹva (peteĩ kuatiaroguente) omombe'úva mba'érepa oikese EXPYLAB-pe ha omomba'eguasúva omba'apo ha'gua atyháicha.

Pe kuatia oñemboherava'erã kóicha: **TECNOLOGX_TÉRA HA TERAJOAPY_DD-MM-AA.**

EXPYLAB omomba'eguasúta umi katupyry oguerokóva oñemboheraguapývo omba'apo ha'gua tenda inmersivo ikatupyryva opa mba'épe upéicha avei omombe'u ha'gua mba'e inmersiva rupive ha tembiporupyahu ojeporúva upejave.

Avei omomba'eguasúta oikuaávo ko'ã software rehegua taha'e UNREAL, UNITY, BLENDER, TILT BRUSH, QUILL, REALITY COMPOSER, NOMAD SCULPT térãkatu ambue tembiporu ojokupytyva oñemoheñoi ha'gua 3D.

Oñemomba'eguasúta umi ohechaukáva hekopete ikuatia ha arangépe. Umi tembijerure ndoguerokopáiva térã ojehechaukáva hekope'ỹ noñemoneïmo'ãi.

8 – Ñehenói arange, jeiporavorã, ñemoarandurã ñepytyvõ ñemoneĩ

EXPYLAB 2025 ñehenói ojeipe'áta oñemyasãikuévo ko'ã tembijerure, 27 jasyrundy 2026 guive, 23:59 aravo peve (Paraguaypegua aravo, Paraguái) 31 jasy 2026 peve. Umi ñemboheraguapy oñeguerogũuahẽva arange'ỹme ndojehechakuaamo'ãi.

Aty jeporavorã ojejapóta ojeiporavóvo umi oñemboheraguapyva'ekue oñemoarandútava ñe'ẽveve rupive. Umi yvypóra ojeiporavova'ekue oñehenóita oñemyaty hağua ñandutiveve rupive oikótava po ára oñemomaranduhaguépe.

Upe ñe'ẽjovake rire, oñemomarandúta pe yvypórape ojeiporavópa opyta hağua. Upéicharamo oguerékóta mokõi ára omoneĩ hağua upe beca.

Noñembohováiramo upe ára ryepýpe, upe ñehekombo'erãpytyvõ oñeikuave'ẽta ambue yvypóra oĩva terarysýipe oha'ārõvo, oiporavokuaáva pe aty jeporavorã oñemyanyhẽ meve pe cupo oñeikotevẽva.

EXPYLAB aty niko oaguyjeme'ẽ opaite ñemboheraguapy. Áğakatu ndohepyme'ẽi, nomomarandúi jey avei avavépe, upéicha avei umi apopyrãme ojeiporavova'ekuépe.

9 – Tepy, ha mba'eporã oguerúva yvypóra ojeiporavova'ekuépe ha arange laboratorio-rã

a) Oñeime hağua laboratorio-pe ndojehepyme'ẽi umi yvypóra ojeiporavova'ekuépe.

ã) Laboratorio ojeguerogeráta 17 jasyoapy guive 29 jasyoapy 2025 peve ha oguerékóta ñehekombo'e, ñemyakã ha avei ambue mbo'epy ojeikuaava'erãre.

ch) Laboratorio ojegueroguatáta arakõi guive ára pokõi meve 9 aravo guive 19 aravo peve. Oĩta ára ikatuhápe ojeipyo 21 ara peve térã oñepyrũ upe mboyve. Umi ára ha aravo oñemomarandúta oğuahẽ vove marandu peteĩteĩme.

e) Ko mba'e omoheñóiva ikatúta oguerahauka kuatia marandu omombe'úva jehekombo'epytyvõrãme.

ẽ) Laboratorio oguerékóva hetepýpe ha hembiapóramo:

- ♦ Ñemombe'u inmersivo ha storyhy
- ♦ Tembiapopaha remimo'ã: hupytyrã jeporavo, apañuãi ñemyatyrõ ha tembiapopaha jeguerojera.
- ♦ Ñemohendaporãva'erã mba'érepa ha avei umi oje'etava ha umi tembiapo inmersivo térã ojoporáva.
- ♦ Ta'ãngamýi ha ta'ãngamyirendu ñembohekopyahu.
- ♦ Apopyrã inmersivo apo ha jegueroguata.
- ♦ Tyapu ambisionico ñemoñepyrũ (360°).
- ♦ Tembiporupyahu inmersiva ñemoñepyrũ (ñandutiveve añetegua, tuichaháicha térã ojoparáva).
- ♦ Umi mba'e inmersivo ñemyasãi ha virureko: ñemurã, jehepyme'ẽ ha ñemyasãi apopyrã.
- ♦ Inteligencia artificial-pe ñemoñepyrũ.
- ♦ Wordling ñemoñepyrũ.
- ♦ Pitch ñembosako'i.

h) Ñemongu'épe ñepytyvõ: Umi yvypóra ojeiporavóva oikóva tetãvore Central okápe térã Paraguaýpe oñepytyvõta chupekuéra ikatuhaguáicha ohepyme'ẽ umi ñemongu'e ha opyta haña peteĩ hendápe. Ko'ápe ndoikéi viru jekarurã

i) EXPYLAB 2025 oñemohu'ã pitch apópe ohechakuaáva umi participante-pe ko'ã jopói rupive:

♦ Jopói Fundación Itaú ha tenondegua ñemombe'u: peteĩ jeike laboratorio-pe #NewMediaLab oja'póva festival #tenondegua ñemombe'u Bogotá, Colombia-pe.

♦ Jopói SyncPhonia: peteĩ jasy ñeime Essen, Alemania-pe.

♦ Jopói añetegua 360 Argentina: tembiaporenda añetegua 360-pe ñemba'apo, Buenos Aires Argentina-pe. Peteĩ pasantía ñemba'a'porã ojehepyme'ẽva Buenos Aires, argentina-pe. Upépe oíke pasaje avión-pe ha jeikorã.

♦ Jopói CCPA: Mbohapy beca inglés-pe.

♦ Jopói ICPA: Mokõi beca alemán-pe.

Movilidad-pe ñepytyvõ: Umi yvypóra ojeiporavóva oikóva tetãvore Central okápe térã Paraguaýpe oñepytyvõta chupekuéra ikatuhaguáicha ohepyme'ẽ umi ñemongu'e ha opyta haña peteĩ hendápe. Ko'ápe ndoikéi viru jekarurã. Umi koty jekeha ikatukuaa mokõi, mbohapy térã irundype ñuarã.

Ko'ã jopói oñemombe'úva ha'e umi oñemone'iva ko arange peve. EXPYLAB ryepýpe ikatúta ojeueroike jopói oñemone'ihápe ñoñe'ẽme'ẽ pyahu.

10- Mba'épa ojapokatueteva'erã umi oñemboheraguapýva

Umi oñemboheraguapýva'ekue o'iva'erã 100% EXPYLAB 2025 rembiapópe peichahágui ojeiporavóramo. No'irramokatu omombe'uva'erã mba'érepa no'iri ha oñemone'iva'erã chupe upe kuatia; ndojapóiramo ohepyme'ẽ jeyva'erã beca repykue (USD 2,800 - dos mil dólar americano).

Oñemboheraguapy jave umi participante-pe ohechakuaava'erã arange ha aravo laboratorio-pegua. Osëtenonde ha ojapyhýramo peteĩ jopói, omone'iva'erã ikatuhaguáicha oñembosarako'i umi jeguatapuku ha ambue tembiapo. Ombotovéramo jopói oñeme'ẽta ambue yvypórape he'iháicha umi poravohára.

Oñepyrũvo laboratorio, 17 jasyoapy 2026-pe, oñeikotevëta kuatiasaha térã kuatia oñemone'imbyréva ha ojeporukuaáva jasyorundy 2026 rire peve, térãkatu kuatia ñe'ẽme'ẽ oñembopyahutahápe. Ndojapóiramo viru oñeme'ẽ jeyta ambuépe he'iháicha poravoharakuéra.

Ko'ã apopyrã omyakáva ogueroikeva'erã EXPYLAB rechaha ha Alianza Francesa Asunción mba'éva.

11— Tembajerure ñemoneĩ ha tekome'ẽmby rehegua

11.1- EXPYLAB 2025 ñehenóime jeike he'ise ojeikuaa ha oñemone'ihá mba'épa ojerure oñemboheraguapývape.

11.2- Umi ojeiporavóva oñemone'ĩ EXPYLAB-pe ha avei pytyvõharakuérape oñembogue'ỹhaguáicha, oiporu héra, ha'ãnga, iñe'ẽ ita'ãngaryrýi, hembiporu ñandutiguáva, tembiporu kuave'ërekogua ha ñemurekoguáva oimehaicharei ha oimera'ẽ ha'ára tenonderãme, taha'e ta'ãngambyry, pukoe, maranduhára, ta'ãngachaukaha, mailing ha avano'õ jokupytyrãme, oñemyasãi haña laboratorio rembiapo ha avei hembipapo tenondeve. Upéicha avei he'i hikuái ome'ëtaha ta'ãnga ñeikuave'ërã upe apopyrã ojeiporavóva ha omone'ĩ iñemyasãi EXPYLAB RUPI ha ipytyvõharakuéra.

11.3- Umi ojeiporavóva oñembohéra gueteri ijapopyrãnguéra ryepýpe ha ipoguypekuéra oĩ mba'e oguerekóva ipype rehe, oñe'ẽme'ẽvo nombayairiha umi tekoñemigua rekome'ẽmby, hekoitegua ha avei umi tekoguatara upe javeguáva. Umi oñemboheraguapýva oikuaa opaite ñembyai térã jerure ojavova'erã hikuái noĩvéima EXPILAB ipytyvõhára poguýpe.

11.4- Noñemoneĩri mba'eveichagua jejahéi térã ñemboyke meñareko, meña, tekoporã jerovia, tekokatupa'ỹ, ava atyrekó, virureko térã ambue mba'e yvyporaháicha. Ndojejapóiramo ko'ã mba'e oñemosẽta EXPYLAB-gui he'iháicha hekoguatara jeikoporã rehegua. Oñeha'arõningo ojeiko jepoyhúpe, jeroiképe ha ñopytyvõme opaite árape.

11.5- Umi postulante he'i ko'ã marandu ha'eha añetegua ha hekoitepegua.

11.6- Umi ojehepyme'ẽva omoneĩ ikatuha'guáicha EXPYLAB oiporu marandu hesekueragua temimoĩmby ambuépe, ojeoporútava ko ñehenoirãmente, jeporavorã, temimoĩmby momarandurãme ha avei oñemoheñoi ha'gua umi oñemboheraguapýva guive marandu ha avei oikéva guive laboratorio-pe.

11.7- Formulario oñemboheraguapyha'guáme, umi oikéva pype ikatúta omoneĩ oñemo'guahẽ ha'gua chupe marandu, ñekuave'ẽ tenondeve EXPYLAB ojavóva ha avei tembiapo ojavóva EXPYFEST ha ambue tembiapo aty omoheñoiva.

11.8- EXPYLAB omoneĩ jepoyhu tekojoja ojequerékóva jeporavópe, ojehechakuaa'ỹre ambue mba'e. Oñemomba'eguasúta opaite ñemboheraguapy pete'ichapa ojesareko'ỹre meña, meñareko, tetãreko, ñe'ẽ, tupãjerovia, moõguipa ou, ivirureko, tekokatupa'ỹ ha ambue mba'e ikatuva'erãichagua oguereko.

Contacto:
info@expy.com.py



con la ayuda de

